

琴齋高致有真風
山閣延賓未折中
來問死生非碌碌
爲談莊老肯怱怱
喜今可與君還往
惜昨曾留客許同
處士或將方寸比
斯人爲不殫焦桐

渾淪庵慶成

高齋忽已慶成功
赤石蒼厓入眼中
貞節由來拘世業
稚川隨處是家風
紅金櫃影書尤秘
碧玉壺清酒不空
崑閩歸期應可展
我來時欲笑歌同

仙巖寺

依然仙跡倚巖開
真館何年竟草萊
今日梵宮方得到
舊時玄鶴也飛來
一條澗水琉璃合
萬疊雲山紫翠堆
禪客夜深能共坐
滿窗明月正徘徊

道藏輯要

虛靖真君語錄

三

又翼集七

川文

汪務玄降睡有作

萬籟沉沉月滿空
一杯初勝務玄翁
金壺飲罷前村酒
玉軫閑歌太古風
羨我無眠神已爽
笑渠貪睡意何濃
回頭爲報孤雲道
清濁由來自不同

和答周提刑

試於閑處尋閑境
松竹無言綠滿秋
方外每煩勤下諭
山隅何幸偶來遊
一簾芳草庭前長
千載遺書圯上求
求得請南還樂居
此清談深感聖恩優

本竹治

有興來登最上山真風長在可躋攀世間濁質能相信雲外清
遊豈肯閑怪石欲飛明落落驚湍直下響潺潺尋常衆目應難
見雲擁真人暗往還

蒙秦治

紫垣佳客有靈蹤獨木爲橋處處同一白渾家參太極更誰連
步上青空檻前怪木冬長碧巖下靈光夜久紅真澤不隨時世
斬出塵人世入神功

平蓋治

昔人已去附龍鱗神氣猶存錄籍真洞口記曾三拜日雲間別
是一家春釣絲無迹龜魚靜樵客忘機虎豹馴金井未經新汲

道藏輯要

虛靖真君語錄

三

又翼集七

引已無胸次一纖塵

雲臺治

漢朝人與道翱翔是處遺蹤屬靜方烟外桃花非俗種風前柏
實有餘香杖穿翠靄通深窅舟駕洪波入渺茫千八百年三十
代雲臺空碧佩琳琅

盡口治

真真相襲養真才萬木深沉一水迴珠暹夜明秋浪定磬含霜
韻曉霞開二仙已遠教誰遇三粒還能待我來若遣青童驗輪
跡斷煙無影落蒼苔

後城治